

Powšitkowne WOZJEWJENJA

njedźelu, 26. meje 2013

Swjedžen za wšě wosady w Baćonju

Na woswjećenje přichada swjateju Cyrila a Metoda před 1.150 lětami na Morawu kaž tež 150lětneho wobstaća Towarstwa Cyrila a Metoda (TCM) a 150. róčnicy přenjeho wudaća Katolskeho Posoła su wšitcy wěriwi zbliska a zdaloka njedźelu, 16. junija, na džakny swjedžen do Baćonja přeprašeni. Z nyšporom w 15 hodź., kotryž změje starobiskop Joachim Reinelt, so swjedžen zahaji. Na farskej łuce poskići so potom pisany program za wšitke starobne skupiny. Nadrobniše informacije so hišće wozjewja.

Nalětni koncert w klósterskej zahrodže

W klósterskej zahrodže w Pančicach-Kukowje wuhotuje chór Lipa zhromadnje z Drježdžanskim chórom Vocalensemble Slavica njedźelu, 26. meje, swój tradicionalny nalětni koncert. Započatk je w 15.30 hodź. Hižo wot 15.00 hodź poskići so kofej a samopječeny tykanc. Wšitcy su wutrobnje do krasnje kćějaceje zahrody přeprašeni.

Mejski nyšpor w Smječkecach

Přeprašamy wěriwych z wokolnych wsow na tradicionalny mejski nyšpor wutoru, 28. meje, w 19 hodź. do parka Domu swjateho Jana w Smječkecach. Wot 16 hodź. móža sej zajimcy našu nowu swjedžensku halu wobhladać a mejemjetanje našich wobydlerjow dožiwić. Wječor zapiskaja Chróšćanscy muzikanća. Rady wšitkich pola nas powitamy a pohosćimy. *Tadej Šiman, nawoda*

Swójbne popoždno na Kukowskim hrodzišću

Dekanatne dušepastyrstwo přeprašuje na swójbne popoždno njedźelu, 9. junija, na Kukowske hrodzišće. Započatk je w 14.30 hodź. z nyšporom, kotryž wuhotuje Chróšćanska šola. Přizamknje so swačina. Po tym zahraja džěci z Kulowskeje wosady džiwadłowu hru. Na to slěduja zaběry za mjeńše a wjetše džěci. Za staršich a dalšich zajimcow je přednošk fararja Daniela Dzikiewicza předwidžany.

Putniska jězba do Lourdesa, Neversa a Flüeli

Pučowanski běrow ATeams poskićuje wot srjedy do štwórtka, 25. septembra do 3. oktobra, putnisku jězbu z busom do Lourdesa, Neversa a Flüeli. Duchowny nawod změje farar Andrzej Glombitza z Leutersdorfa. Šoferka budže Cordula Lešawina. Dalše informacije poda a přizjewjenja přijimuje Andreas Thomas w Šerachowje, Cyrkwinska hora 1, telefonowe číslo (0 35 92) 3 58 98 55. Wjace pod www.ateams.de

Duchowna hudźba z Drježdžanskimi kapałnikami

W rjedže duchowneje hudźby spěwaja Drježdžanscy kapałnicy njedźelu, 2. junija, we 18 hodź. w tachantskej cyrkwi w Budyšinje. Pod nawodom tachantskeho kapałneho mištra Matthiasa Liebicha zaklinča twórby Schütza, di Lassa, Mendelssohna-Bartholdyja a Brucknera.

Wěnc hórskich spěwow

1. serbska kulturna brigada z.t. Budyskeho serbskeho gymnazija přeprošuje wšitkich na koncert do Chróšćanskeje „Jednoty“. Hercy zahraja pjatk, 21. junija, w 20 hodź. na tradicionelnych instrumetach, rejowanska skupina předstaji nowu scenu „Serbske powědky“ a chór přednjese mjez druhim mjenje znaty hudźbny cyklus Korle Awgusta Kocora „Wěnc hórskich spěwow“.

Wulět samostejacych tež za dalšich zajimcow

Za wulět samostejacych přichodnu wutoru, 28. meje, su hišće někotre městna swobodne. Štóž chce sobu do Rumburka jěć, njech so hač do póndžele, 27. meje, w 10 hodź. w redakciji Katolskeho Posoła přizjewi, telefonowe čisło (0 35 91) 55 02 12.

Bus pojedže po scěhowacym planje:

6.05 hodź. Boranecy
6.10 hodź. Radwor (nawjes)
6.25 hodź. Nowy Łusč
6.35 hodź. Prawočicy
6.40 hodź. Chróšćicy
6.45 hodź. Hórki
6.50 hodź. Różant (pola Suchec)
6.55 hodź. Nowa Wjeska
7.00 hodź. Worklecy
7.10 hodź. Njebjelčicy
7.20 hodź. Pančicy-Kukow (apoteka)
7.25 hodź. Wotrow
7.30 hodź. Kašecy
8.00 hodź. Budyšin (Hegelowa)

Přidatny mały bus 1:

6.10 hodź. Němcy
6.30 hodź. Šunow
6.35 hodź. Konjecy
6.40 hodź. Ralbicy
6.45 hodź. Smjerdžaca

Přidatny mały bus 2:

6.50 hodź. Pěskecy
7.05 hodź. Kamjenc (Macher. naměsto)